

ՀԹՂՈՐԴՈՒՄՆԵՐ

Բ. Հարությունյան

Feod-ին եվ beneficium-ին ՀԱՄԱՊԱՏԱՍԻԱՆՈՂ ՏԵՐՄԻՆՆԵՐԸ
ՀԱՅ ՄԻՋՆԱԴԱՐՅԱՆ ԳՐԱԿԱՆՈՒԹՅԱՆ ՄԵՋ

Մեզ չեն հասել վաղ միջնադարին վերաբերող պաշտոնական բնույթ կրող վավերագրեր, պետական օրենքներ, կարգադրություններ, դատաստանական և այլ իրավաբանական ակտեր, որոնց բովանդակությունից հնարավոր լիներ ճշգրիտ կզրակացությունների հանգել այս կամ այն սոցիալական-իրավաբանական տերմին-բառը և նրա իմաստը որոշելու: Միակ իրավաբանական կողմը, եթե միայն կարելի է այսպես անվանել՝ օրենքների մի անսխառն ժողովածու, այդ Մխիթար Գոշի «Դատաստանագիրք»-ն է XIII դարի սկզբին գրած, որն իր մեջ պարունակում է, բացի եկեղեցական կանոնական հոդվածներից, նաև աշխարհական օրենքներ, և ապա՝ Սմբատ Գունդըստարի «Դատաստանագիրք»-ը, որը վերարտադրում է նույն Գոշի օրենքները՝ մասամբ փոփոխած և հարմարեցրած կիլիկիայի միջավայրին:

Վաղ միջնադարին վերաբերող նման խնդիրներ քննության առնելիս մնում է դիմել այդ ժամանակաշրջանի մեր պատմագիրների մոտ պատահական տեղեկությունների և վկայությունների մեջ գործածված տերմինաբանական նշանակություն ունեցող բառերին և, ավելի շատ, եկեղեցական կանոններին, որոնք բավական շատ են թվով և եկեղեցական հարցերի հետ միատեղ շոշափում են նաև իրենց ժամանակի սոցիալ-տնտեսական հարաբերությունների վերաբերյալ մի շարք խնդիրներ:

Նիկ. Ադոնցը և նրան համակարծիք ակադ. Հ. Մանանդյանը գտնում են, որ հայ եկեղեցին խորապես ազդվել և ենթարկվել է տիրող նախարարական կարգերին, եկեղեցական իշխանությունը համակերպվել է ֆեոդալական ներգործող միջավայրին և ընդունել այդ միջավայրի պատրաստի ձևերը¹:

Պատմական փաստերի վրա հիմնված այս ճիշտ դիտողությունը հնարավորություն է տալիս եկեղեցական ֆեոդալիզմին վերաբերող մի քանի տերմինների ճշգրիտ որոշմամբ՝ մոտավոր ճշտությամբ որոշելու նաև աշխարհիկ ֆեոդալիզմին համապատասխան հարաբերությունները և այդ հարաբերություններն արտահայտող տերմինները:

Այս հոդվածում քննության ենք առնում մի քանի, գերազանցապես եկեղեցական, բողոքական, որոնց պարզաբանումը կարող է օժանդակել լույս սփռելու միջնադարյան Հայաստանում տիրող ֆեոդալական, գլխավորապես հողային հարաբերությունների վրա:

¹ Տե՛ս Н. Адонц, Армения в эпоху Юстиняна, 1908, էջ 361. հմմտ. պրոֆ. Հ. Մանանդյան, Ֆեոդալիզմը հին Հայաստանում, Երևան, 1934, էջ 126:

* * *

Հայ եկեղեցական գրականության մեջ, առավել չափով եկեղեցական կանոններում, խիստ հաճախ ենք հանդիպում «ժառանգութիւն» և «ժառանգաւոր» բառերին:

Իներնք մի քանի բնորոշ օրինակներ.

1. «Ի տգիտութենէ և ժողովուրդն խոպանացեալ ցնայր, և մեք տարակուսեալք, ոչ գտաք զայլ հնարս, որ զնոսին ինքեանս կարգեալս ի քահանայութիւն՝ հրաժարեցուցեալ և ի բնակութենէ օտարաց պիտանեաց և զիտնոց տուաք զժառանգութիւն ևնոց» (Վանոնք սրբոյն Սահակայ հայոց Հայրապետի, գլ. ԾԵ, կանոն ԺԲ, տե՛ս Վանոնգիրք Հայոց, հրատ. Ա. Ղլտնյանցի, Թիֆլիս, 1913, էջ 21):

«Իսկ ի վանս բնակեալք կուսութեան ևն պարապեալք, միշտ մարտընչելով ընդ ուխտին, զսրբութիւն վառեալ բորբոքէ, և անյապաղ զպաշտաման կատարել զկարգ՝ զխղաղութիւն խնդրելով ամենայն աշխարհի, և զգեղջ շինութիւն և զառողջութիւն ի տուէ և ի զիշերի բազում արթնութեամբ. վանս այսորիկ ազատ յամենայն հարկապահանջ իշխանաց սահմանս ընկալաւ և անգս, ևրիցագոյն պատիւ ժառանգեաց յուխտի սրբութեան եկեղեցոյ» (Վանոնգիրք Հայոց, էջ 34—35):

2. Վասն շնորհի և ժառանգութեան սահմանեցաք, թէ ի սկզբանէ որպիսի հրաման ի սրբոյն Գրիգորէ է լեալ՝ նոյնպէս և եղիցի, որոյ շատ է ժառանգութիւնն, զշատն կերիցէ, որոյ սակաւ՝ զսակաւն կայցի, և մի ըստ ծխոյ բաժանեցեն զշնորհն, զի զժառանգութիւն սրբոյ եկեղեցոյ իբրև զազատութիւն է, զոր երանելոյ սրբոյն Գրիգորի և թագաւորին մերոյ Տրդատայ զատուցեալ են: Արդ իւրաքանչիւր ոք զհարանց ժառանգութիւնն կալցի և սրբոյ եկեղեցոյ պաշտամանն հպատակ կացցէ և վարդապետին ի հնազանդութեան...» (Վանոնք Ս. Դունայ ժողովոյն, կանոն Ե, Վանոնգիրք Հայոց, էջ 123):

3. Այլի երիցունք, թէ իցեն պարկեշտք և ժերք, և կամ մանկունս սնուցանելոյ ունիցին, կացցեն լեկեղեցին, և թէ ոչ այսպէս, գնասցեն ի վանս և յանապատս, և թէ ոչ գնասցեն, ի բաց կացցեն ի ժառանգութեանն և ի կարգէն» (Վանոնք Երուսաղէմայ ժողովոյն, կանոն ԺԳ, տե՛ս Վանոնգիրք Հայոց, էջ 191):

4. Վայց լետ բազում ժամանակաց մինչ խանգարեալ էր հայրապետանոցն. և ցրուեալ ժառանգութիւնք եկեղեցոյն, զայս տեղիս առին ոմանք և վերստին շինեցին...» (Ստ. Օրբելյան, Պատմ. նահ. Սիս., Տիֆլիս, էջ 250):

5. Բառումք ևն ժամանակիս կրօնաւորաց, որ յաշխարհի առանց ժառանգութեան էին, և յորժամ զձե կրօնաւորութեան ընկալան, տեարք եղեն ի վանորայս բազում ժառանգութեան» (Ն. Շնորհալի, թժուղթ ընդհանրական, համտ. Վեր բողոք Հայկազեան լեզուի, հատ. Ա, էջ 834):

6. Վայց այլ ամենայն միւրգ առարեացին ի տունս եպիսկոպոսի և երիցանց, և ի սեղանն մի մատիցեն. և զի եպիսկոպոսն և երիցունքն բաժանեցեն սարկաւազաց և այլ ժառանգաւորաց» (Վասմանք և կանոնք առաքելոց, կանոն Դ, տե՛ս Վանոնգիրք Հայոց, էջ 236):

7. «Եթէ ոք երէց կամ սարկաւազ, կամ ով և իցէ ի ժառանգաւորաց, ի բաց ընկեցեալ զիւրն...» (նույն տեղում, էջ 237):

8. «Եթե կախկոպոս կամ երէց կամ սարկաւազ այնմ ժառանգաւորաց, որ կարօտն իցէ և ոչ տացէ զպէտան, որոշեսցի. յամեալն ի նմին՝ լուծցի որպէս սպանող կղբօր իւրոյ» (նույն տեղում, էջ 246):

9. «Եթե ոք ժառանգաւոր կամ ժողովրդական մտցի ի ժողովարանս հրէից կամ թերահաւատի առ ի աղօթել, լուծցի և որոշեսցի» (նույն տեղում, էջ 247):

Իւրաժս առաջին, երկրորդ և երրորդ կանոնական հատվածների մեջ, ինչպես պարզ երևում է տեքստից, «ժառանգութիւն» բառն ունի նյութական բովանդակութիւն: Երկրորդ օրինակի մեջ ցայտուն կերպով ի հայտ է գալիս «ժառանգութեան» քանակական հատկանիշը. «որոյ շատ է ժառանգութիւնն, զշատն կերիցէ, որոյ սակաւ՝ զսակաւն կալցի: Գրիգոր Լուսավորչի և Տրդատ թագաւորի անունների հիշատակութիւնը «սրբոյ եկեղեցւոյ զժառանգութիւնն իրն զազատութիւն» ընդունելու մասին՝ ակնարկում է, անշուշտ, Ագաթանգեղոսի և Փավստոս Բուզանդի վկայութիւններն այն մասին, որ Տրդատ թագաւորն իր իշխանութեան բոլոր տարածութեան վրա եկեղեցականների սպասավորութեանն էր հատկացրել՝ յուրաքանչյուր ավանում յոթական ճող երդոյ» և յուրաքանչյուր ագարակում չորսական ճող երդոյ» (տե՛ս «Ագաթանգեղեայ Պատմութիւն Հայոց», զլ. ՃԺԹ, ՏԻԽ., 1913, էջ 427. հմմտ. Փավստոս, հրատ. Գալստեանի, Թիֆլիս, 1913, հինգերորդ տպագր., զլ. Ա, էջ 345): Ուրեմն վերոհիշյալ հոգևածներում «ժառանգութիւն»-ը պատկերանում է որպէս հող, անշարժ գույք, որը ժառանգականորեն անցնում է հայրերից որդիներին:

«ժառանգութեան» մյուս հատկանիշը նրա պայմանականութիւնն է. նա թեև անցնում էր ժառանգաբար, «ի հարանց ժառանգութիւն» էր, բայց պայմանավորված էր «սրբոյ եկեղեցւոյ պաշտամանն հպատակ» կենալու հանգամանքով. նա տրված էր dominium utile-ի իրավունքով: Վերջին մոմենտն է շեշտված մեր բերած առաջին, երրորդ և հինգերորդ օրինակներում: Տգևտ քահանան, որն անկարող է պաշտամունք կատարել, զրկվում էր «ժառանգութիւն»-ից, որն անցնում էր «գիտնոց» ձեռքը, թեկուզ և այդ գիտունքը «ի բնակութենէ օտար» լինէին, այսինքն բուն քահանայական տոհմից չլինէին, միայն թե «պիտանի» լինէին: Նույնն էր կատարվում այլի անպարկեշտ երկցների նկատմամբ, ինչպես վկայված է երրորդ օրինակում: Վերջինիս մեջ ուշադրութեան արժանի է «ի բաց կացցեն ի ժառանգութենէն և ի կարգէն» արտահայտութիւնը, որը պարզ կերպով ցույց է տալիս, որ «ժառանգութիւն» տերմինը պաշտոնին՝ քահանայական կարգին չի վերաբերում, այլպէս «կարգը» նորից չէր հիշվի. այստեղ և սրա նման դեպքերում շեշտվում է ոչ թե եկեղեցական իշխանութեան ժառանգականութեան մոմենտը, ինչպէս այդ ենթադրում է ակադ. Մանանդեանը (տե՛ս «Փնտղալիզմը հին Հայաստանում», էջ 128), այլ նրանց պաշտոնի հետ կապված նյութական անշարժ կալվածների և, հավանաբար, նաև եկեղեցական եկամուտներից բաժին ստանալու իրավունքը:

«ժառանգութիւն» և «ժառանգաւոր» բառերի տերմինաբանական իմաստը լավագույն կերպով արտահայտված է Օրբելյանի մոտ Նորավանքին նվիրած իր «հայրենարածին» Չուայ և Քարկոտի գլուղերի մասին խոսելիս:

Չուայ գլուղի նվիրման առթիւ նա գրում է. «Եւ արդ՝ մի ոք իշխեսցէ իշխանութիւն վարել ի վերայ այս շինոյս. և կամ հարկ կամ դիւան կամ մալ կամ այլ ինչ գնել ի վերայ. այլ միայն իշխեսցեն առաջնորդք սուրբ ուխտիս Նորա-

վանից և վայելեցեան ժառանգաւորք տանս և սպասաւորք սրբոց նշանացս, և զմեզ աղօթից և պատարագաց հանապազ հաղորդս կայցին ի սուրբ եկեղեցիս»:

Քարկովի մասին.

«Դարձեալ ետու զՔարկովի իւր ամենայն սահմանօք ի վայելումս և ի ժառանգութիւն առաջնորդաց տանս և այլ եղբայրութեանս:

Եւ յայսմ հետէ մինչև յաւիտեան հաստատ հայրենիք լիցի նա սուրբ եկեղեցւոյս Նորավանից. և թէպէտ ժառանգաւորք սոքա լիցին, այլ զՀինութենէ վանիցն և զուսաւորութենէ եկեղեցւոյն մի անխոյժ արասցեն, այլ ամենայն ջանիւ հոգասցեն որպէս զսեպհական տանէ» (էջ 493—494):

Այս հատվածում պարզ ցույց է տրված «ժառանգութեան» և «սեպհականութեան» տարբերությունը: Ժառանգաւորքը ֆեոդալ է, պայմանական տիրապետող, իր ժառանգության (այստեղ՝ հոգևոր ժառանգության), որը պարզ կերպով որոշված է նվիրաբերողի հոգու համար կատարվելիք պատարագներով (պարտավորություններով):

Այս բոլորից կարելի է զալ այն եղբայրացության, որ «ժառանգութիւն» բառը հայ եկեղեցական ֆեոդալական տերմինոլոգիայի մեջ ստացած է եղել նյութական որոշակի իմաստ, նա նշանակել է եկեղեցական կալվածք, որ տրվում էր եկեղեցականներին ժառանգաբար՝ *dominium utile*-ի իրավունքով:

Ինչպես տեսնում ենք, «ժառանգութիւն» տերմինն իր այս առումով համընկնում է Արևմտյան Եվրոպայի *feod*, *lehn* տերմիններին և ներկայացնում է այս տերմինների էկվիվալենտը հայ եկեղեցական ֆեոդալական տերմինոլոգիայի մեջ:

Պետք է նկատել, սակայն, որ հայ եկեղեցական տերմինոլոգիայի մեջ «ժառանգութիւն» տերմինը չի արտահայտել միայն նյութապես հողը, ջուրը և այլ անշարժ գույք, որոնք տրվում էին եկեղեցականներին օգտագործելու իրավունքով: Այս տերմինի տակ հասկացվել են նաև եկեղեցական այն հաստիքները, որոնք տեսականորեն՝ կամովին, բայց փաստորեն՝ պարտադիր կարգով ստացվում էին ժողովրդից: Ստ. Օրբելյանի «Պատմութեան» մեջ հանդիպում ենք հետևյալ հետաքրքրական հատվածին:

«Ապա այնուհետև սկսաւ փարթամանալ և պայծառանալ տունն այն (խոսքը Տաթևի մասին է — Բ. Հ.) առաւել քան զառաջինն, և զամենայն յախշտակեալ ժառանգութիւնսն անդրէն դարձուցանէին. քանզի Մաքենոցացիքն զԻնդարքունի էին յախշտակեալ, և ոմն մի զՂալոց ձոր, և Եպիսկոպոս նստեալ. և ոմն մի՝ զԵրնջակայ գաւառն, և անդ նստեալ Եպիսկոպոս լՅերնջակայ վանքն, և Դողթնացիքն զԲոսեձորն և զԲուստ և զՕրդուատ: Նմանապէս և իշխանքն զգեղանն էին բաշխեալ ազատաց իւրեանց, զորս շրջաբերական թղթօք տեսան Սարգսի, որ ահագին նզովիւք փակեալ էր, զի մի ոք իշխեսցէ յանդգնիլ ի հերքումս յայսմ վիճակիս...» (Ստ. Օրբելյան, էջ 304—305):

Հատվածի առաջին մասում խոսքը վերաբերում է ոչ թե հիշված գավառների ամբողջ հողին ու ջրին, այլ այդ գավառների ժողովրդից ստացվող հաստիքներին, որոնք առաջ Տաթևինն էին եղել, իսկ այժմ խլել ու լուրաց-

¹ Ազգային փակագծերի մեջ առնված հատվածը հեղինակը լրացրել է ձեռագիր մի թերթիկով, այն դնելով հողվածի մեքենադիր թերթերի մեջ:

րել էին տեղական եպիսկոպոսները և Սարգիս կաթողիկոսի կարգադրութեամբ ևս նն դարձվում Սյունյաց աթոռին:

«Ժառանգութիւն» բառի այսպիսի իմաստավորումը չի խանգարում նրան feod-ի իմաստ վերագրելուն: Հայտնի է, որ feod-ը Արևմտյան Եվրոպայում անպայման հողային տարածութիւն չպետք է լինէր: «Ֆեոդ» կարող էր լինել մինչև իսկ որևէ եկամտաբեր հողված (տե՛ս Н. Грацианский, Хрестоматия по истории средн. веков, т. I, М., 1939, стр. 127).

* * *

«Ժառանգութեան» այս նյութական իմաստից է բխել նաև «ժառանգաւոր» բառի որպէս սոցիալական տերմինի իմաստը: «Ժառանգաւոր» բառը մեր հին մատենագրութեան և կանոնագրքերի մեջ գործ է ածվում մեծ մասամբ որպէս եկեղեցական տերմին, եկեղեցականի, այսինքն կրոնական պաշտաման սպասավորողի իմաստով: «Ժառանգաւոր» էին կոչվում ոչ միայն եպիսկոպոսը, քահանան, սարկավագը, որոնք եկեղեցու կարգավոր պաշտոնյաներն էին, այլև ամբողջ եկեղեցականների դասը, որի մեջ մտնում էին նաև քահանաների զավակները, եղբայրները և ուրիշները, որոնք եկեղեցում որևէ սպասավորութիւն էին կատարում (կիսասարկավագ, գրակարգաց, սաղմոսերգու, դպիր և այլն). սրանք բոլորն էլ մասն ունեին եկեղեցու հասույթներից և հող էին ստանում եկեղեցուն հատկացված ֆոնդից, այսինքն եկեղեցու «ժառանգութիւնից»: Հենց այս վերջին հանգամանքով է պայմանավորված նրանց «ժառանգաւոր», այսինքն ժառանգութիւն ունեցող անվանումը: «Ժառանգաւոր» բառի մի այլ բացատրութիւն, որը հիմնված է պաշտոնի ժառանգականորեն անցնելու հանգամանքի վրա, ճիշտ համարել չի կարելի, քանի որ կարգը և պաշտոնները ժառանգականորեն չէին անցնում անպայմանորեն հորից որդուն. նրանք ժառանգականորեն հատկացված էին ամբողջ, այսպէս կոչված, «քահանայական դաս»-ին, որի անդամներից, եպիսկոպոսի կամ համայնքի ընտրութեամբ, արժանավորներին տրվում էր աստիճան՝ կարգ, ըստ որում՝ նախապատվութիւնը տրվում էր քահանայի որդուն: Այս վերջին հանգամանքը փաստորեն ստեղծել էր, կարծես, քահանայական տան ժառանգականութիւն: Եւ կարող էր, սակայն, միշտ էլ խախտվել, երբ քահանան տգետ էր, երբ նա հանցագործ էր և այլն: Ինչպէս հայտնի է, բարձր հոգևորականութիւնը միջնադարում, համաձայն եկեղեցական կանոնների՝ կուսակրոն էր, ուստի և ժառանգներ ունենալ չէր կարող:

«Ժառանգաւոր»-ը, եկեղեցուց «ժառանգութիւն» (feod) ստանալով՝ բնականորեն, դառնում էր եկեղեցու ֆեոդալը feodaltre-ը: Եթե այդ եկեղեցականը կուսակրոն չէր, ուներ իր ժառանգները, և այդ ժառանգներն իրենց կրթական աստիճանով և վարքով համապատասխան էին և կարող էին շարունակել եկեղեցուն սպասավորել, ապա «ժառանգութիւն» feod-ը անցնում էր նրանց:

Այսպիսով պարզ է, որ հայ եկեղեցական ֆեոդալական տերմինոլոգիայի մեջ «ժառանգաւոր» տերմինը հավասարազոր է Արևմտյան Եվրոպայի feodaltre, Lehnsh alter տերմիններին:

Գործածվել են արգյոք «ժառանգութիւն» և «ժառանգաւոր» տերմինները աշխարհիկ ֆեոդալական տերմինոլոգիայի մեջ feod-ի և ֆեոդալի իմաստով, այդ դժվար է ստել: Պատմագիրների մտա և դատաստանագրքերի մեջ ոչ եկեղեցական իմաստով գործածված «ժառանգաւոր» բառը ավելի շուտ «ժառանգորդի», որևէ մեկի ժառանգութեանը մասնակից լինելու իրավունք ունեցողի իմաստ ունի, քան ֆեոդալի:

Այսպես, օրինակ, «Ասորական դատաստանագրքի» թարգմանության I (30-րդ) հոդվածում կարգում ենք.

«Եթէ ոք ազատէ զժառայ իւր պայմանաւ, և սահմանէ ամս յայտնիս ծառայել որդւոց իւրոց կամ ժառանգաւորի ազատութեան հրաման ունի լօրինացս, որպէս անձնիշխան շրջել» («Ասորական դատաստանագրք», հրատ. Ա. Ղլախյանի, 1917, էջ 15):

* * *

«ժառանգութիւն» բառին զուգրնթաց եկեղեցական կանոնների մեջ հանդիպում ենք «շնորհ» բառին, որի իմաստի պարզարանումը նույնպես կարելի է միջնադարյան ֆեոդալական հարաբերությունների հետ կապված մի շարք ինդիքների լուծման համար: Մեջ ենք բերում «շնորհ» բառի գործածության մի քանի բնորոշ դեպքեր՝ քաղելով նույն եկեղեցական կանոններից:

«Կանոնք Դունայ ժողովոյն» (տե՛ս «Կանոնգիրք», էջ 122—130):

1. «Ենպիսկոպոսք իւրաքանչիւր վիճակաց և անապատից տեսչութիւն և հողարարծութիւն արասցեն, ի լոյս և ի պաշտօն և ի դպրոցս հայել և իւրեանց պաշտօնէիքն կերակրիլ և վալելիլ ի սրբոցն շնորհէ» (կանոն Դ, էջ 122):

2. «Վասն շնորհի և ժառանգութեան սահմանեցաք... մի ըստ ծխոյ բաժանեցեն զշնորհն» (կանոն Ե, էջ 123):

3. «... Իշխանութիւն լիցի վարդապետին զշնորհս եկեղեցւոյ ճանել յայնպիսեացն (որք լուխտէ եկեղեցւոյ զկարգ և զպաշտօն թողին և հեծելութիւն ստացան) և արժանաւոր քահանայից և պաշտօնէից մերձաւորաց տալ...

... զայնպիսիսն գրով և կնքով մերժել ի շնորհացն և տալ մերձաւորաց նոցա» (կանոն Զ, էջ 123—124):

4. «Եթէ ոք՝ այլ կամ կին ի ժառանգաւորաց սրբոյ եկեղեցւոյ անորդի իցէ... մի իշխեսցէ հետացուցանել զհող և զջուր և զամենայն շնորհս եկեղեցւոյն... բայց զշարժուն ոք և զհրիսակ ում և կամի տալ արժան է, և թէ վաճառել կամի և հողեաց տալ՝ իշխան է...

... սակայն զկես շնորհին կայցէ յաղագս ձեռնադրութեան ազատ ի հարկէ և ի բեկարէ... և զկես շնորհին և զհողն և զջուրն բովանդակ սրբոյ եկեղեցւոյ թողցէ վախճանեալ քահանայն և կին նորա... ամենայն իսկ շնորհն մերձաւորացն ևղիցի»... (կանոն Ը, էջ 124—125):

5. «...այլև ոմանք յաղատաց ըստ իւրաքանչիւր կամաց բաժանեն զշնորհս եկեղեցւոյն և զառաջնորդաց զիշխանութիւն և զգործ յաիշտակեն»... (կանոն Թ, էջ 127):

«Կանոնք Յովհաննու իմաստասիրի Օձնեցւոյ» (տե՛ս «Կանոնգիրք», էջ 135):

6. «... Ըստ կարգի ղետացւոցն ազգաւ սեպհականել զեկեղեցւոյ շնորհն»...

«Կանոնք Ս. Սահակայ Հայրապետի» («Կանոնգիրք», էջ 17—18):

7. «... զտգէտս և զզինուորս ամենեկին իսկ պարտ է որոշել ի շնորհէն վայելից, որ ինչ ի ժողովրդականաց ի տուն աստուծոյ...»:

Ինչպէս հայտնի է, «շնորհ» բառը եկեղեցական-կրօնական դրականութեան մեջ գործ է ածվել, սովորաբար, այն հոգևոր կարողութունների իմաստով, որոնք, ըստ ժամանակի կրօնական ըմբռնման, տրվում էին աստուծոց որպէս պարգև-բարիք այս կամ այն անձին. մասնավորապէս կրօնավորներին՝ նրանց ձեռնադրութեան, օծման ժամանակ:

Ինչպէս կարելի է դիտել, վերոհիշյալ բոլոր կանոնների մեջ «շնորհ» բառը գործ է ածվում ոչ իր այս սովորական առումով: Այստեղ նա ստացել է այնպիսի առարկայի իմաստ, որը կարելի է վայելել, որով կարելի է կերակրվել (1-ին օրինակ), որը կարելի է բաժանել (2-րդ օրինակ), մեկից խլել և ուրիշին տալ (3-րդ օրինակ), որոշ պայմաններում հարկի և բեկարի տակ դնել կամ՝ ազատել (4-րդ օրինակ):

«Շնորհ» բառի վերոհիշյալ գործածութունից կարելի է դալ այն եզրակացութեան, որ նա կամ գուշք է, կամ գուշքից ստացվող որոշ եկամտից օգտորվելու իրավունք, որը տրվել է եկեղեցականին պայմանականորեն, վերջինս վրա դրած որոշ պարտականութունների կատարման կապակցութեամբ, և որը կարող էր հետ խլվել, եթե նա՝ եկեղեցականը այդ պարտավորութունները չէր կատարում, կամ թե իր վարքով ու կրթական մակարդակով չէր համապատասխանում իր կոչմանը (3-րդ և 7-րդ օրինակներ):

Ինչպէս տեսնում ենք, իր այս իմաստով շնորհ-ը հոմանիշ է դառնում վերևում հիշված ժառանգութիւն տերմինին:

Սակայն, դիտելով «շնորհ» բառի գործածութունը կանոնական բազմաթիվ հոգևածներում՝ նկատում ենք, որ սա գործ է ածվում, ըստ մեծի մասին, եկեղեցական այլևայլ հասույթներից «ժառանգաւոր»-ներին տրվող բաժնի՝ «մասն»-ի իմաստով, ժամանակավորապէս, միայն ժառանգութեան ժամանակամիջոցին: Այս «մասն»-երը միանգամայն որոշ էին քահանաների, սարկավագների և այլ ժառանգավորների նկատմամբ:

Այսպէս ներսես կաթողիկոսի և ներշապուհ Մամիկոնեից եպիսկոպոսի կանոնիւմրի ԺԳ կանոնում ասված է.

«... Այլ զպտուղս և զմուտս ժողովրդականք միաբանութեամբ ի սուրբ եկեղեցին հատուցեն ամենայն յօժարութեամբ անխափան, ... և քահանայից առևալ ի սրբոյ եկեղեցոյ բաժանեացեն կարգաւորաբար, որպէս օրէն է. դըլ-խաւոր քահանայիցն Ի՛ մասունս և կէս մասին և այլ քահանայքն մէն մի Բ՛ մասունս, և սարկաւագունքն մի մասն և կէս մասին, և դպիրքն և այլի կանայք թէ՛ իցեն պարկեշտք մի մասն առանց ամենայն հակառակութեան» («Կանոնգիրք», էջ 111):

Սահակ Հայրապետի 6-րդ կանոնի մեջ («Կանոնգիրք», էջ 17—18) «շնորհ» է անվանված այն, ինչ որ ստացվում է «ի ժողովրդականաց ի տուն աստուծոյ», և բաժանվում «ամենայն ուխտի մանկանց» միջև. այս «շնորհէն վայելից» զրկվում են ազեաները և զինվորները, եթե նրանք և նրանց զավակները չեն ուզում ուսում ստանալ և արժանի դառնալ այդ «շնորհ»-ին: «Շնորհ» բաշխում էր եկեղեցական «առաջնորդ»-ը, «վարդապետ»-ը, վիճակավոր եպիսկոպոսը, ինչպէս կարելի է դիտել մեր բերած 5-րդ օրինակից. նրան էր վե-

րապահվում նաև ուխտագանց եկեղեցականից «շնորհ»-ը հետ խլելու և ուրիշներին տալու իրավունքը (3-րդ օրինակ):

Եկեղեցական մի քանի կանոններում «շնորհ» բառի գործածությունն այնպիսի դեպքեր կան, որ հիմք են տալիս ենթադրելու, թե «շնորհ» բառի իմաստն ընդգրկել է նաև եկեղեցականներին տրվող հողն ու ջուրը: Այսպես, օրինակ՝ Դավիթի ժողովի Ը կանոնի մեջ կարդում ենք հետևյալ հատվածը:

«Եւ զիւս շնորհին և զհող և զջուրն բովանդակ սրբոյ եկեղեցու թողցէ վախճանեալ քահանայն և կին նորա. ամենայն իսկ շնորհն մերձաւորացն եղիցի՝ եթէ ոչ որդիս կամ թոռունս ունիցին, զի չվայելէ զսրբոյ եկեղեցու զժառանգութիւն յարժանաւոր մերձաւորացն օտարացուցանել և տալ հաւաւոր օտարաց: Բայց եթէ անկաւորացն կամաւորութեամբ վաճառել իսկ, թողուցուցէ վարդապետն, զայն մի շինականի ումեք, այլ յուխտէ եկեղեցուցն, թէև հեռաւոր ևս իցէ. իշխան է վարդապետն և մերձաւորին չմերձեցուցանել: Իսկ եթէ զեղջն երեցուն դիպի ժառանգութիւնն մնալ, եղիցի ժառանգութիւնն սրբոյ արքայն, և ում կամեցի շնորհեցի վարդապետն, միայն արժանաւորաց և զիւսնոց» (Վանոնգիրք Հայոց, էջ 125—126):

Այս հատվածի մեջ ուշադրաբար այն է, որ մի կողմից շնորհը բաժանվում է հողից ու ջրից» (եւ զիւս շնորհին և զհողն և զջուրն բովանդակ»), իսկ մյուս կողմից «շնորհ»-ը համարվում է «եկեղեցու ժառանգութիւն», որը կարելի է վարդապետի թույլտվությամբ մինչև իսկ վաճառել, միայն թե՛ ոչ շինականի, այլ եկեղեցու ուխտից որևէ մեկին: Ապա նաև՝ այն, որ եթե դյուրի անժառանգ մեռնող քահանայի ժառանգությունն է մնում, նրա մահից հետո վերջինս ամբողջությամբ անցնում է եկեղեցու տրամադրությունն տակ և եպիսկոպոսը կարող է շնորհել այն արժանավորներից և զիսուններից նրանց, ում որ ինքը կամենա:

Ինչպես տեսնում ենք, այստեղ «շնորհ»-ը հաղիվ թե կարելի լինի հասկանալ միայն որպես եկեղեցուն նվիրարկած կամ նրան հասանելիք տուրքի այն բաժինը, որ շնորհվում էր եկեղեցու կողմից իր պաշտոնյաներին: Այստեղ ավելի հավանական է, որ «շնորհ»-ը ընդգրկում է նաև հողային գույքի կամ թե նրանից ստացվող եկամտի իմաստը ևս:

Մակաբն այստեղ մեզ հետաքրքրողն այն է, թե ինչ տնտեսական հարաբերություն է արտահայտում «շնորհ» բառը: Դժվար չէ տեսնել, որ նա այստեղ արտահայտում է այն հարաբերությունը, ինչ որ միջնադարյան Արևմտյան եվրոպայում եկեղեցական բնեկեցիկում որպես ֆեոդալական տերմին: Հայտնի է, Արևմտյան եվրոպայում յուրաքանչյուր եպիսկոպոսական թեմ, ինչպես և ավելի մանր միավորներ, ինչպիսին է, օրինակ, եկեղեցական համայնքը, ունեին իրենց գույքերը, հաճախ անշարժ, որոնցից ստացված եկամուտներով պահպանվում էր կրոնավորական դասը, (Суворова, Курс церковного права, М., 1909): «Շնորհ» բառը իր ստուգաբանությամբ ևս միանգամայն համընկնում է beneficium-ին, որը նույնպես իր սկզբնական կրոնական առումով կրոնա-եկեղեցական գրականության մեջ աստիճանային հոգևոր պարզ է նշանակել և ապա՝ ֆեոդալիզմի շրջանում նշվածական, գլխավորապես հողային պայմանական պարզեի նշանակություն է ստացել: «Շնորհ» բառը ռուսական ֆեոդալական տերմինոլոգիայի մեջ համապատասխանում է «благодать»-ին և ապա՝ жалованье ֆեոդալական տերմինին՝ սրա միջնադարյան առումով:

Այսպիսով, պարզվում է, որ միջնադարյան հայ եկեղեցական տերմինաբանության մեջ արևմտյան եվրոպական եկեղեցական feod-ին համապատասխանել է միջնադարյան հայերենում «ժառանգութիւն» տերմինը, իսկ beneficium-ին «շնորհ» տերմինը:

Մ. Ավգալբեզյան

ԲԱՆԱՍԻՐԱԿԱՆ ՃՇԳՐՏՈՒՄՆԵՐ

(Ներսես Լամբրոնացու Թարգմանած Գրիգոր պապի պատմությունը)

«Էջեր հայ միջնադարյան զեղարվեստական արձակից» ժողովածուում, ի թիվս այլ նյութերի, տպագրված է նաև Հուդա Իսկարիտացու մասին պարականոն գրույցին խիստ առնչվող մի վարք՝ «Յիշատակ վարուց սքանչելի տոն աստուծոյ սրբոյն Գրիգորի Հոռմայ պապուն»:

Այդ վարքը, ինչպես նաև Հուդայի շուրջ հյուսված գրույցը շատ գծերով հիշեցնում է առասպելական Էդիպ արքայի պատմությունը. երկուսն էլ հեթանոսական լեզունքի քրիստոնեական զերայրուկի հետաքրքրական նմուշներից են: Եթանոսային հատկանիշներով միանգամայն տարբեր լինելով, — զբրված է վարքի ծանոթագրության մեջ, — այս գրույցը սյուսկետային մեծ ընդհանրություն ունի վերը բերած Հուդայի պարականոնի հետ: Հին հունական առասպելում պատմվող Էդիպի կյանքի մանրամասները, որ էպիզոդիկ անցել են բիրտիական Հուդային, սրանից էլ փոխանցվել են պատմական անձնավորություններին, եկեղեցու հայրերին, մինչև իսկ ամենապատկառելի և անսխալական» Հոռմի պապին: Այս գրույցում Գրիգոր պապն է ենթարկված Էդիպի ճակատագրին, միայն մի տարբերությամբ՝ ալտեղ ոչ թե ճակատագրից, այլ աշխարհիկ կյանքից ու մեղքերից խուսափող և փախչող Գրիգորը ինքն է դառնում աշխարհիկ ամենամեղսական արարքների մասնակից ու հերոս, բայց, վերջում, ինչպես հատուկ է քրիստոնեական գրականությանը, մեծ ապաշխարություն մաքրագործվում է և սրբի պսակով դարգարվում¹:

Այս հետաքրքրական վարքը թարգմանական է: Ինչպես նշում է պրոֆ. Կ. Մելիք-Սանջանյանը ժողովածուի առաջաբանում, այն թարգմանված է լատինական հանրահայտ «Gesta romanorum» ժողովածուից, քամենայն հավանականությամբ XII դ. Կիլիկիայում, երբ հայ և կաթոլիկ եկեղեցիների միջև քանակցություններ էին վարվում և երբ Ռուբինյան հայկական պատմության մեջ կաթոլիկների համար նպաստավոր պրոպագանդա էր մղվում²: Միանգամայն հավանական այս ենթագրությունը հաջորդում է Կիրակոս Գանձակեցու Պատմության վրա հիմնված որոշակի եզրակացությունն այն մասին, թե այս վարքի թարգմանիչն է Ներսես Լամբրոնացին: Ե՛րևանյան վկայում են

¹ «Էջեր հայ միջնադարյան զեղարվեստական արձակից» Խճագրությունը և առաջաբանով Կ. Մելիք-Սանջանյանի. ժողովածուի նյութերն ընտրեցին և երեսուր պատրաստեցին և ծանոթագրեցին Ավգալբեզյան Մ. Մկրտչյան Մ. և Սրայայան Ա., Երևան, 1957:

² Նույն տեղում, էջ 263:

³ Նույն տեղում, Առաջաբան, էջ XXVI: